



中國東方文化研究會歷史文化分會策劃  
四庫全書存目叢書補編纂委員會編纂  
北京愛如生文化交流責任有限公司贊刻

齊魯書社出版

四庫全書存目叢書補編

第四五冊

# 補編第四十五冊目次

堯山堂偶雋七卷

〔明〕蔣一葵輯  
北京大學圖書館藏明刻本

綠天耕舍燕鈔四卷

雪疇子輯  
北京圖書館藏清鈔本

詩辯坻四卷

〔清〕毛先舒撰  
河南省圖書館藏清初毛氏思古堂刻本

古今詞話八卷

〔清〕沈雄撰  
福建師範大學圖書館藏清康熙二十八年澄暉堂刻本

張小山小令二卷

〔元〕張可久撰 〔明〕李開先輯  
南京圖書館藏明嘉靖李開先刻本

碧山樂府不分卷

〔明〕王九思撰  
浙江省圖書館藏明正德刻本

名家詞鈔不分卷（一）

〔清〕聶先輯  
湖北省圖書館藏清康熙綠蔭堂刻本

一

九八

一六九

二二三

四一二

四八一

五〇三

堯山堂偶雋七卷

〔明〕蔣一葵輯

北京大學圖書館藏明刻本

附《四庫全書總目·堯山堂偶

雋七卷》提要

偶雋題辭

原夫儀有兩曜有二奇偶固而從來  
雖有脂鯨有跡雋永因之不乏第取  
譏駢拇探美旅後日之降也風野下  
矣迺觀天之文以觀人文而嗜人之  
文無以資於嗜多矣則不能不資其  
麗於義仲穆經訂於易牙耳而尼父  
刪詩悉誅蕪累梁昭選藝特采菁英  
美堂在多傳非由愛乎余友仲舒氏  
誕秀綺歲妙契九知博綜軒手夙通

五際時寄駟丞之慨更添韓子之悲  
孟自六朝近沿勝國函探解購撥暢  
玄風采擷芳華紫雲箋箋五典  
欲存些於周文垂玉之墳尚取我於  
魯晉正謂羸炎而降反古寔難於自  
昭代以前于今為烈茲夫比肩素義  
淳雋謝工弋初篇車左奇讓博豈曰  
文章末品庶幾世代徽音至其雕琢  
瓊瑤遠憂於完璞刻畫梓杞抱恨於  
成材則尺璧寸珪詎云非寶而裂繒

按落字搔至大耶嗟夫特秀之幹匪  
藉植於豐蔭春華之艷貴必宅於秋  
實或者非混沌之如而左慈之祗乎  
引而申之存乎其入

年弟吳宗儀象于甫題

叙

偶雋曰側聞元凱傳癖士安書涵  
奇字珠連文心璧呈清霜凝於武  
庫紫電掣於步兵龍雕球璿虎  
繡璣衡霏談煖之玉屑工雅煢以璫  
琳比孤操於九珥懸國門而千金一辭  
披激片楮傾紘牙曠清耳般輪巧心  
隻字魯巧結響六諧絕玉鳴音捷抒  
鬼運百鍊天成馳玄湛於虛朗振裁  
剪於主賓眇三都之撫蕪陋七發之  
從橫此偶言之慧典而清翰之秘靈也  
仲舒氏膏腴六籍蒐獵三墳浮彩沉華

叙四

噴古薄今以車之暇怡收博評鉤玄摘

藻秋實春英探貝校官摘瓊象溟代不

擇人不擇言會心逼境巧合絕徵驟

發阮嘯陟解匡頤超趣滲投訊誠並

陳清譔借之永日宏詞托而青雲鳥

乎拔小而弗鉅斯誠儕偶之元勳千

叙五

秋為之目惕以昭允矣其色澤云

友第曹日昌伯甫書於 氏之堯山堂

偶雋引

余聞伊鼎一簞不減兼人之饌易  
庖三和凡增飲調之飲何則芳旨  
爽口柔腸者知膳芻豢娛腸染  
指者屬飲是以鷄跖熊蹯實維  
時而維有陸毛海錯靡貴多而  
貴精故物半肥新要以烹鮮之技  
為長四膳六畜匪直屠門之嚼稱快  
爰用連珠為顯偶雋

白吳將一梅識



堯山堂八朝偶雋目錄

卷之一

六朝

卷之二

唐

卷之三

唐  
五代附載

卷之四

堯山堂偶雋

目錄

宋

卷之五

宋

卷之六

宋

卷之七

宋  
元附載

堯山堂八朝偶雋目錄畢

兗山堂偶雋卷一

晉陵蔣一葵編著

六朝

晉魏間尚未知聲律對偶。荀鳴鶴隱陸士龍雲二

人會張茂先華坐張以其竝有大才。可勿作常

語。陸舉手曰。雲間陸士龍。荀荅曰。目下荀鳴鶴

張撫掌大笑。後釋道安自壯來荊州。與習鑿齒

相見。道安因自通曰。彌天釋道安。習荅曰。四海

兗山堂偶雋

卷一

習鑿齒此四公相諳之辭。當時指為的對。乃知

此體自然。不待沈約而能也。舊不解四海彌天

傳鑿齒與道安書云。天不終朝而雨。六合者。彌

天之雲也。弘淵源而潤八極者。四海之流也。兩

晉前鋒都督平兗青州露布。相傳為謝玄作。然殊

不類晉人口吻。疑後人擬撰。其畧曰。徐方既同

而來。庭宣王復古。齊地悉平。而振旅世祖重光

恭惟皇帝陛下。凝江寧神璽之祚。至於萬年。開

吳分歲星之祥。綏以多福。有方行海表之畧。無

晏安江沱之心。惟氏鞠凶。至堅孔熾。吞燕涼而

薦食介鱗。易我衣裳。聞荆益以長驅。蠹賊荒我

居圉。敢行穽亂。不戢自焚。師克在和。雖武騎無

所用。天助者順。聞風鶴皆為兵。一戰成淝水之

勲。三捷取壽陽之境。匹馬騎輪。無反乃滅。而亡

簞食壺漿。以迎曰。後子。后臣安請乘破竹之機

分命采薇之率。辟四方。徹我土。誕將天威。獎三

兗山堂偶雋

卷一

軍定中原。肅此朝食。齊變至魯。魯變至道。載戰

干戈。汶達於濟。濟達于河。底謹財賦。斯皆帝德

廣運。聖武布昭。歸罪謹田。用儒無敵。揚文武烈

圖功。倏終于以正六龍御天之居。豈止保五馬

浮江之緒。臣等共武之服。賴天之靈。浴邑朝諸

侯。望翠華之回軫。營立發嘉號。埃玉牒之修封

通篇緝經史如綴狐白裘。燦然一色。不見痕縫

非胸中包藏萬卷兼之天才。駁發不及此最妙

處在徐方既同江寧神聖匹馬騎輪齊變至魯  
數聯字字是當時境界

宋史稱劉穆之目覽辭訟手答牋書耳行聽受口

並酬應不相參涉悉皆瞻舉嘗判恩賜綾錦出

關其辭云某就日輪琛占風削袵既踰葱嶺便

集藁街頻承湛露之恩獎荷油雲之施至若綾

開蒼鶴映睢浦以成文錦繡翔鸞豔江波而濯

色近九重之厚錫充萬里之輕齋閑司以寄重

堯山堂偶集

卷一

三

咽喉任光襟帶物皆違樣既生非馬之疑事乃

出蕃須計鳴雞之失既緣恩賜有異常途勘責

不虛固難留滯觀此判則穆之決斷如流信有

倍萬恒品者矣

孝武帝文章華敏其祈晴文畧云幸輟霖而吐景

權停風而斂翳昭鸞輅於天郊光龍旂於田際

耒耨得施黍稷獲藝增高廩於嘉年登十千於

茲歲古帝王遇災而懼皆自責以答天譴此文

殊無自責之意然格調音響却俱在漢魏上

元嘉中南平王獻赤鸚鵡普詔群臣為賦太子左

衛率袁淑文冠當時賦畢責示謝侍中莊時莊

賦亦竟其文云慧性昭和天機自曉審國音於

中寰達方聲於遐表及其雲移霞峙霰委雪翻

陸離暈漸容與鴻軒躍林飛岫煥若輕雷激銀

漢集。場樓團暉若天桃被玉園又云月圓光于

綠水雲瀉影于青林。邇還風而聳翻。露清露而

堯山堂偶集

卷一

四

調音表見而歎曰江左無我卿當獨秀我若無

卿亦一時之傑也遂隱其賦

謝希遠月賦云日以陽德月以陰靈擅扶光於

東沼嗣若英於西冥引玄兔於帝臺集素娥於

后庭歌曰美人邁兮音塵闕隔千里兮共明月

臨風歎兮將焉歇川路長兮不可越孝武帝吟

數良久謂顏延之曰希遠此作可謂前不見古

人後不見來者延之對曰美則美矣但莊始知

隔千里兮共明月。帝召莊以延之。答語語之。遂  
應聲曰。延之作秋胡詩始知生為久別離。沒為  
長不歸。帝撫掌笑曰。人好嘲謔。未有不遇其敵  
者。

謝惠連嘗為雪賦。以高麗見奇。其文曰。始緣毫而  
冒棟。終開簾而入隙。既因方而為珪。亦遇圓而  
成璧。瞻隰則萬頃同縞。瞻山則千岩俱白。說者  
謂與謝莊月賦為一時勦敵。

堯山堂偶集

卷一

五

王元謨問謝莊何者為雙聲。何者為疊韻。莊答曰。  
互韻為雙聲。激磬為疊韻。按毛詩。蟋蟀在東。又  
鴛鴦在梁。此雙聲之所由起。古詩。月影侵簪冷。  
江光逼履清。此疊韻之所由來。

元嘉中詔郡國各舉士。凡薦舉皆有表。劉孝儀薦  
賀瑒表曰。伏見賀瑒結卷就賢。擔簦來學。鄉塾  
染其丹采。朋友扣其洪鐘。聲無愧於東莠。材有  
踰乎西杞。陸徽在廣州薦從事朱萬嗣表曰。伏

見朱萬嗣理業冲夷。秉操純白。年既知命。廉尚  
愈高。冰心與貪流爭激。霜情與晚節彌茂。歷宰  
金山。家無寶鏤之飾。連組珠海。室靡瑤珎之珍。  
二表莊語可人。

齊末明末都下人士。盛為文章。吳興沈休文。約陳  
郡謝玄暉。暉瑯琊王元長。融以氣類相推。較為  
文。皆用宮商。以平上去入為四聲。以此制韻。不  
可增減。謂之永明體。眺謝隨王賜紫綦啓云。味

堯山堂偶集

卷一

六

出靈關之陰。旨潤玉津之滋。豈徒真定歸美。大  
谷滋慙。將恐帝臺妙崇。安期靈素。不得孤檀。王  
盤獨耳。仙帝雖秦君傳器。漢后推餐。望古可儔。  
於今誰答。融謝武陵王賜芳啓云。融揖讓未工。  
濫陪升飲之賞。操孤反正。繆奉招賢之錫。文韜  
練景。逸軫捎雲。玩溢百齡。佩流千載。又謝安陸  
王賜銀鉢啓云。素金之貴。有訪仙經。鐫刻可奇。  
見符神鼎。撤膳器於珍羞之席。降寶玩於華嚴。

之門

沈約撰四聲譜自以爲得天地秘傳之妙其謝勅賜絹葛啓云素采冰華綺文霜潔總之薄暑於閨閣起涼風於襟袖任昉見之嘆曰此休文字字錦也

竟陵王少有清尚傾意賓客一時文學之士競臻竟陵西邸王融沈約王僧孺輩並見親信歌有啓謝竟陵王示扇云輕踰雪羽潔竝霜文子淑

堯山堂偶集

卷一

七

賞其如規班姬儷之明月况復動製聖衷垂言炯戒載摹聽眎式範樞機約有啓謝竟陵王教撰高士傳云明公愛奇商洛訪美東都蓋欲隱顯齊功出處同致巢由與伊旦並流三辟與四門共軌肅奉明規思自罄最僧孺有啓謝竟陵王使撰修書籍云伏惟殿下銅爵始成早搞從后之句栢梁初構首屬駘駕之辭又云徒以願託後車乃望西園之客攝齊下坐有祿南皮之

遊膠服同於魯儒竊吹竽乎齊樂竟陵王歲差賞之

沈休文爲安陸王謝荊州章有云身班平穆魯首藩圭好禮慙河敦詩愧楚江文通爲建平王拜荊州刺史章有云襲禮炫褒迎恩震色又爲建平王慶登祚章有云視泣江郊心滋京國詞極追琢有章

堯山堂偶集

卷一

八

江淹到功曹參軍牋詣竟陵王云竊惟明使君銑下道耀神源德鑄靈極燁瑤光之暉贊玉燭之色功邁翊轍績超匡漢是以赤瑕瑱寶之文曙影而豈集青虬遺風之衆晞光而遠至如民者謬以一氣之微邀百戰之會潤厚累璧思重兼金漏越之琴竊竊文之價缺齧之劍盜頒哀之名心羞秦腰志慮楚憤抱魄踟躕憂集如陳又劉主簿日牋詣建平王云某乃庸人素非士身輕恩重猥奉末光枉白璧之惠降恩之私

不謂咸池再暉。瑞光重照。開高天之慈布。厚地之施承。命以驚巡。走且失。又奏記請新安王云。伏惟殿下爰求儒雅。旁招異人。削赤野之玉。翦燕山之金。至如某者。遂遭煙露。餘彩日月。末光惟息。知泰變色。薰心某聞。齊石既撫。無待已人之唱。檀臺已構。寧俟不才之木。某幼乏鄉曲之譽。長匱斤藻之德。豈宜炫璞。鄭氏獻鳳。楚門哉。願避職吏。緩其召書。讀三牋。知文通信才子也。

堯山堂偶集 卷一 九

江文通嘗宿治亭夢一美丈夫自稱郭璞呼文通曰。吾有筆在卿處多年。可以見還。江探懷中得五色筆授之。爾後為文絕無美句。時謂才盡。文通代蕭侍中作教勸表。雖極刻練。但音節殊覺難。此豈其才盡時耶。然其間有云。臣不能運煙洲而謝岐伯。迎雲山而揖許由。激昂榮華之間。沉潛印組之內。光飾既起。寵臨亦遠。此等句唐宋來亦少。

孔稚珪有謝賜生荔枝啓云。綠葉舒未。紅珠吐。離離昔聞。曄曄今睹。信西岷之使珍。饒東之不識。按王逸荔枝賦曰。角昂興而靈華敷。大。中而朱實繁。灼灼丹華。吐日離離。繁星著天。左思蜀都賦。傍挺龍目。側生荔枝。布綠葉之萋萋。結朱實之離離。稚珪啓正用二賦中語。

晉木玄虛華孫興公。緯齊張思光。並作海賦。瀾波則洪連。蹶蹶吹湧。則百川倒流。此玄虛之雄也。輦翰則宇宙生風。抗驕則四瀆起濤。此興公之雄也。湍轉則日月似驚。浪動則星河如覆。此思光之雄也。三賦措語無大懸絕。融後以其賦示鎮軍徐凱。之凱之曰。卿此賦實超玄虛。但恨不道鹽耳。融即求筆增曰。灑沙擗白。熬波出素。積雪中春。飛霜暑路。

梁氏帝王簡文為勝湘東次之。其謝賁諸表啓並稱精麗。簡文謝東宮賜裘表云。才慙齊相。受白。

堯山堂偶集 卷一 十

狐之飾。德謝漢蕃。均黑貉之賜。地卷朔風。庭流  
花雪。裾生惠氣。袖起陽春。謝勅賚方諸劍等。啓  
云。纔發玉函。雕奇溢目。始開牙檢。麗飾交陳。已  
匹丹霞之輝。乍比青雲之制。身文自貴。器用惟  
宜。寒暑蕪華。左右相照。謝賚賜玉佩。啓云。藍田  
麗彩。槐水鑲文。飾以金闕之珠。製以魯般之巧。  
故以裾端照色。影外生光。恩發內府。猥垂霄賜。  
臣方溫謝德比。振慙聲。沐浴深慈。欣荷交至。謝  
堯山堂偶集 卷一 十一  
勅賚廣州堰等。啓云。淮南承月之杯。豈均符彩。  
西國浮雲之枕。非謂瓌奇。謝勅賚長生米。啓云。  
堯禾五尺。未足稱珍。漢苗九穗。方斯非擬。如隨  
瑞鹿。若降神鳥。慕律向游。獻春方始。食乃民天。  
之貴。粒有延齡之名。藉此資身。因斯養性。謝勅  
賚益州天門冬。啓云。逮自星橋。見珍玉壘。本草  
稱其輕身。延壽實為上藥。姬晉之重丹桂。曹丕  
之愛落英。一家恩錫。竊幸往代。謝勅賚城邊橘。

啓云。耳踰石室。味重金衣。暉章縹李。豈止梅於  
晉世。上林美棗。非獨高於漢日。謝勅賚河南棗。  
啓云。海水無波。來因九譯。周原澤洽。味備百羞。  
堯韭未儔。姬歌非喻。謝勅賚大菰。啓云。吳愧千  
里之萐。蜀慙七菜之賦。是知泮宮採芣。空入魯  
詩。流火烹葵。徒傳幽曲。謝賜柿。啓云。懸霜照采。  
凌冬挺潤。耳清玉露。味重金液。雖復安邑秋獻。  
靈關晚實。無以匹此嘉名。方茲擅美。  
堯山堂偶集 卷一 十二  
陶貞白有二刀名善勝。咸勝武帝以賜簡文。簡文  
謝啓云。名均素質。神號脫光。五寶初成。曹丕先  
荷其一。二勝今造。愚臣總被其恩。錫韓非之書。  
未足為比。給博山之筆。方此更輕。  
簡文又有謝賚扇。啓及荅。定襄侯餉卧簾。書亦並  
灑然可愛。啓云。某奉宣勅。奇垂賚細綾。大文盡  
柳蟬雀扇。一柄者。文均析縷。香發海檀。肅肅清  
風。即令象簾。非貴。依依散彩。便覺夏室含霜。飲

露青蜩。應三伏之修景。群飛黃雀。送六月之南風。蔽日垂陰。薰澤熱采。浮涼滌暑。蘋末愧吹。其卷書云。筠篁多品。篠簜雜名。校色比奇。獨此為貴。自含蒼紫。似久暴于柯亭。乍舒黝素。若屢露于湖水。三伏餘炎。九折成用。便可旅食。南館高卧。壯體。

湘東謝東宮賜彈碁局啓云。繹本慙游藝。彌愧拂巾緣。邊之法庶導。細柳之陣徘徊。之勢方希明。

堯山堂偶集

卷一

十三

月之樓。謝東宮賚辟邪子錦白編等啓云。江波可濯。豈藉成都之水。登高為豔。取映鳳凰之文。至如鮮潔齊紈。聲高趙縠。色方藍浦。光譬靈山。試以照花含燭。銀之狀。將持比月。亂含璧之輝。謝東宮賚花釵啓云。麗玉澄輝。遠過玳瑁之飾。精金曜首。高踐翡翠之名。謝東宮賚瓜啓云。金榮始薦。瓊蕊載珍。味奪蔗漿。甘踰石蜜。湘東嘗出軍有人將婦從者。湘東為勸語曰。才愧。

李陵未能先誅女子。將非孫武。遂欲驅戰婦人。徐君蒨時為諮議參軍。應聲曰。項籍壯士。猶有虞兮之情。紀信成功。亦資姬人之力。

洛陽王偉從侯景叛。景敗。元帝愛其才。欲金之朝士。請曰。前日偉作檄文。甚佳。帝求視之。有云。項羽重瞳。尚有烏江之敗。湘東一目。寧為赤縣所歸。乃大怒殺之。

昭明文學藻思高於一時。方之簡文。湘東難為兄。堯山堂偶集

卷一

十四

弟謝勅賚地圖啓云。漢氏輿地。形茲未擬。晉世方丈。比此非妙。匹之長樂。唯畫古賢。傳之未央。止圖將帥。未有洞該八數。混觀六合。域中天外。指掌可求。地角河源。戶庭不出。豈明千秋。自識烏桓之地。脫遼莊武。方著博物之書。

昭明亡後。蕭子範求撰其集表云。巨蟬翼輕身。未從塵露豹。斑嚴駕永輟。駢駢戀生懷。慈伏深涕慕。冒乞銓次。遺藻勒成卷軸。

梁自大同之後雅道淪缺爭馳新巧簡文湘東啓其涵放徐庾諸人分路揚鑣簡文在東宮時徐摛為家令摛文體輕麗春坊學之時人謂之宮體嘗有一人病癰摛撰四言云狀非快馬踡脚相連席異儒生帶經長卧其好為新奇如此

簡文在東宮日雅好文士庾肩吾預其選賜賚甚厚每賜必有謝啓謝東宮賚檳榔云無勞朱實兼荔支之五滋能發紅顏類芙蓉之十酒登玉

亮山堂偶集

卷一

五

案而上陳出珠盤而下逮澤深溫奈恩均含象謝東宮賚米云渚水鳴蟬香聞七里瓊山合類租歸十縣某人慙振藻徒降雲間之松職濫更繁空撤家承之偉成珠委地事重逢仙游玉為糧珍瑜入楚謝東宮賚朱櫻云異合浦之歸朱疑藏朱實同秦人之逐彈似得金丸謝東宮示古跡云仰巖遺象入握成塵孔壁藏文隨開已露豈有跡經四代年瑜十紀芝英雲氣之巧未

掛松鉉鵲反鸞鷲之勢不侵蒲竹謝賚銅硯筆格云煙磨青石已踐孔氏之堦管撫銅龍還笑王生之壁西域胡人卧織成之金罽游仙童子隱芙蓉之衍幢莫不並出梁園采頌狹室謝厝日云登臺視朔觀雲物之必書拂管移灰識權衡之有度初開卷始暫謂春留未覽篇終便傷冬及裘回厚渥比日為年

亮山堂偶集

卷一

十六

肩吾又有謝東宮賜宅啓云却瞻鍾阜前枕洛橋池通西舍之流窓映東鄰之棗來歸高里翻成待封之門夜坐書臺非復通燈之壁西舍東隣景物亦甚落落但在毫端便成佳句

湘東王亦雅重肩吾數有賜賚肩吾謝湘東賚米啓云味重新城香踰滂水連舟入浦似彥伯之南歸積地為山疑馬援之西至答湘東賚粳米啓云採斛瀉珠嘉聞陶量翻庭委玉欣見馬圖謝湘東賚棋啓云傳名地理遠自武陵之洲族

茂神經通聞建春之嶺王逸為賦取對荔枝張  
衡制辭用連石蜜口使萍實非神蒲萄猶餽謝  
賜梨啓云睢陽東莊子園三尺新豐箭谷枝垂  
六斤未有生因粉水產自桐丘影連鄧橘林交  
苑柿來薦中厨爰領下室事同靈棗有願還年  
恐似仙桃無因留核

武陵王嘗齎肩吾絹二十疋肩吾謝啓云清河之  
珍丘園慙其東帛關東之妙潛織陋其卷絹下

堯山堂偶集

卷一

十六

官謬忝扁舟暫瞻還旆而天人渥眄增餘論之  
榮江漢安流無汴汭之阻遂使鶴露宵疑輕綈  
立變鴈風朝急怡服成溫

肩吾少事陶隱居頗多藝術隱居饋以木蒸肩吾  
啓謝云味重金漿芳踰玉液足使芝慙明麗丹  
愧芙蓉坐致延生伏深銘戴

肩吾有謝炭啓云識慙受情似見昆明之灰清愧  
伯鸞不復因人之熱可謂化臭腐為神奇矣同

時劉孝威亦有謝炭啓云鑪生烽焰室滿紅光  
雉裘入而識奢鼠布焚而無汚語非不佳去肩  
吾遠甚

孝威兄弟並有才名其謝賜諸啓有極工者孝儀  
起家始興王法曹其謝始興王賜花統華啓云  
麗兼桃象周洽昏明便覺夏室已寒冬裘可襲  
雖九日煎沙香粉猶棄三旬沸海團扇可捐又  
謝東宮賜橘啓云俊匹橫橙俯聯楚袖寧似魏

堯山堂偶集

卷一

十六

瓜借清泉而得冷豈如蜀食待鮪室而成甜孝  
威謝齊錦被啓云色豔蒲桃采踰聯璧邪君慙  
繡楚侍羞珠雖復帝賜鶴綾客贈鴛綺高懸麗  
藻遠謝鮮明又謝東宮齎藕啓云色華玉樹味  
奪瓊漿根出楊池聞之僅約子為靈散得自莊  
篇楚后江萍秦公海菓凡厥水羞莫敢相輩又  
謝南康王饌牛啓云直宿九重獲免疏步踰休  
三逐且息徒行從祀耳泉方無假於丞相騎至

清廟又永笑於博陽六朝人語每簡練穠泥若此

丘遲謝示青毛神龜啓云玄甲應於姬渚青鱗符

於夏室之陰翔翔卷耳之陰浮游蓮葉之上藏采千

載獻狀一朝斯誠至德動天窮神為化故能寶

瑞開圖人下珍祥映謀懷星抱月負字街書江搃上

毛龜啓亦云影合四靈光分五色懷星抱月負

字街圖後二語只不同一字

堯山堂偶集

卷一

九

陳文人徐陵稱首陵父摛為梁左衛率時庾有吾

掌管記陵及肩吾子信並為抄撰學士父子東

宮出入禁閤既文並綺豔故世號徐庾體陵在

梁日王僧辯等勸進元帝表乃其所撰三四讀

轉轉可人蓋四六中絕有體制者也畧云自氛

氲渾沌之世驪連粟陸之君卦起龍圖文因鳥

跡雲師大帝非無戰陣之風堯誓湯征咸用干

戈之道星躔東井時破峭潼雷震南陽初平尋

邑未有接三靈之已墜救四海之群飛赫赫明

明躬行天罰如當今之盛者也於是卿雲似蓋

晨映姚姬露如珠朝垂原寢芝房感德咸出

銅池冀英伺辰無勞銀翦久應旁求掌故詢詔

天官斟酌繁昌經營高邑揚龍旂以饗帝御鳳

宸以承天伏承聖旨謙冲為而不宰或云洛陽

未復函谷無泥旋駕金陵方膺天賸愚謂大廷

少昊非有定居漢祖殷宗皆無恒宅登封岱嶽

堯山堂偶集

卷一

十

且署明堂巡狩荊州時行司隸何必西瞻虎踞

乃建王宮南望牛頭方稱天闕帝覽表展轉久

之乃即位於江陵

井陽上庸路碑亦徐孝穆陵撰詞頗雋蔚其文曰

濤如白馬既礙廣陵之江山曰金牛孰辨梅湖

之路專州典郡青鳧赤鴈之船皇子天孫鳴鳳

飛龍之衆莫不欣斯利涉玩此修渠乍擁揖而

長歌乃樅金而鳴鑼